

ԱՌՈՒՎԱՃԱՌՔԻ ՊԱՅՄԱՆԱԳԻՐ

ՇՄՆԷՊԾ-ՄԱԾՁԲ-26/102

23.04.2026թ

ք.Երևան

«ԱԼԵՔՍԱՐՍ» ՍՊԸ, /պետական գրանցման համար՝ 278.110.936431, պետական գրանցման ամսաթիվ՝ 29/11/2016, ՀՎՀՀ՝ 00471352, իրավաբանական հասցե՝ Հունան Ավետիսյան փ. /32 Նոր Նորք 0092, Երևան Հայաստան, ի դեմս տնօրեն՝ Կարեն Բաղդասարյանի (այսուհետ՝ Վաճառող), մի կողմից ՀՀ շրջակա միջավայրի նախարարության էկոպարեկային ծառայությունը ի դեմս գլխավոր քարտուղար Լուսինե Ալեքսանյանի, ով գործում է էկոպարեկային ծառայության կանոնադրության հիման վրա (այսուհետ՝ Գնորդ), մյուս կողմից, կնքեցին սույն պայմանագիրը հետևյալի մասին.

1. Պայմանագրի առարկան

1.1 Վաճառողը պարտավորվում է որպես սեփականություն Գնորդին հանձնել պարենային կամ ոչ պարենային ապրանքներ (այսուհետ նաև՝ Ապրանք), իսկ Գնորդը պարտավորվում է որպես սեփականություն ընդունել և վճարել Ապրանքի համար:

2. Պայմանագրի գինը և վճարման պայմանները

2.1 Սույն Պայմանագրի 1.1-ով սահմանված Ապրանքների արժեքը կախված է Գնորդի ընտրած Ապրանքների քանակից և տեսակից, որն իր մեջ ներառում է ՀՀ օրենսդրությամբ կիրառելի հարկերը և պարտադիր այլ վճարները:

2.2 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ հինգ աշխատանքային օրվա ընթացքում:

2.1 Գնորդը հաստատում է, որ բոլոր վճարումները կատարվելու են իր կողմից, կամ իր լիազոր ներկայացուցչի միջոցով:

3. Կողմերի իրավունքները և պարտավորությունները

3.1 Վաճառողը իրավունք ունի

3.1.1 Սույն Պայմանագրի 2.2 կետով վճարման պայման նախատեսված լինելու դեպքում համապատասխան հանձնված Ապրանքի համար Գնորդի կողմից ժամանակին չվճարելու դեպքում պահանջել վճարելու նաև տոկոսներ՝ ՀՀ քաղաքացիական օրենսգրքի դրույթների համապատասխան:

3.2 Վաճառողը պարտավոր է

3.2.1 Գնորդին հանձնել պատշաճ որակի Ապրանք:

3.2.2 Գնորդին հանձնել Երրորդ անձանց իրավունքներից ազատ Ապրանք:

3.2.3 Կողմերի կողմից պայմանավորվածություն ունենալու դեպքում օրենքով սահմանված կերպով կատարել վաճառված ապրանքների հետվերադարձ:

3.2.4 Գնորդի կողմից ՀԴՄ կտրոնով գնված ապրանքների համար դուրս գրել հարկային հաշիվ:

3.3 Գնորդն իրավունք ունի

3.3.1 Հրաժարվել սույն Պայմանագիրը կատարելուց, եթե վաճառողը հրաժարվում է հանձնել սույն Պայմանագրի 1.1 կետում նշված Ապրանքը:

- 3.3.2 Վաճառողի կողմից Ապրանքի թերությունների մասին նախապայման չսահմանելու դեպքում պահանջել ողջամիտ ժամկետում անհատույց վերացնելու Ապրանքի թերությունները:
- 3.3.3 Վաճառողի կողմից սույն Պայմանագրի 3.2.2 ենթակետում նշված պարտականությունը չկատարելու դեպքում պահանջել Ապրանքի գնի նվազեցում կամ Պայմանագրի լուծում, եթե Վաճառողը չի ապացուցում, որ Գնորդը գիտեր կամ պետք է իմանար Ապրանքի նկատմամբ երրորդ անձանց իրավունքների մասին:

4. Անհաղթահարելի ուժի ազդեցություն /Ֆորս Մաժոր

Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Անհաղթահարելի ուժի ի հայտ գալու դեպքում, Կողմը, որի պարտավորությունների պատշաճ կատարմանը խոչընդոտում է անհաղթահարելի ուժը, պարտավոր է այդ մասին անհապաղ տեղեկացնել մյուս Կողմին:

5. Այլ պայմաններ

- 5.1 Սույն Պայմանագիրն ուժի մեջ է մտնում այն ստորագրելու պահից և դադարում է Կողմերից մեկի կողմից մյուս կողմին նախապես մեկ ամիս առաջ ծանուցելու միջոցով:
- 5.2 Սույն Պայմանագրի բոլոր փոփոխությունները և լրացումները կատարվում են գրավոր և ստորագրվում կողմերի կողմից:
- 5.3 Սույն Պայմանագրի հետ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում պայմանագիրը լուծվում է դատական կարգով՝ ՀՀ օրենսդրությամբ սահմանված հիմքերով և կարգով:
- 5.4 Սույն Պայմանագիրը կնքված է հայերեն լեզվով, և
- 5.5 Երկու օրինակից, որոնք ունեն հավասարազոր իրավական ուժ: Յուրաքանչյուր կողմին տրվում է մեկական օրինակ:

ԳՆՈՐԴ

ՀՀ շրջակա միջավայրի նախարարության
Էկոպարեկային ծառայություն
Երևան Ա. Արմենակյան 129

ՀՀ ՖՆ աշխատակազմի գործառնական վարչություն
Հ/Հ 900011023265

ՀՎՀՀ 00476409

Գլխավոր քարտուղար՝ Լուսինե Ալեքսանյան



ստորագրություն

ՎԱՃԱՌՈՂ

«ԱԼԵՔՍԱՐՍ» ՍՊԸ

ք. Երևան Հունան Ավետիսյան փ. /32

Նոր Նորք 0092

Բանկ՝ Ալքրա Բանկ ԲԲԸ

Հ/Հ 220098539327000

ՀՎՀՀ 00471352

Տնօրեն՝ Կարեն Բաղդասարյան



ստորագրություն